

Matumuuna Inatsisartut Suleriaasianni § 33 najoqqutaralugu Naalakkersuisut aalajangiiffigisassatut siunnersuut manna saqqummiuppaat:

Aningaasaliisartunut aamma aningaasalersuisartunut qularnaveeqqusiisarnermik aningaasaatit pillugit inatsisip Kalaallit Nunaannut atuutsilernissaa pillugu peqqussutinik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut

(Inuussutissarsiornermut Nukissiuuteqarnermullu Naalakkersuisoq)

Tunngavigisaq

Peqqussutit allaqqaarnerinik pigineqartunit siunertaq tassaavoq Danmarkimi Garantiformuem (Qularnaveeqqusiissutit aningaasaatini) nunatsinni aningaasaateqarfitt ilaalersinnissaat.

Tamanna akiligassarsisitsisarfinnut aningaasaliisarnermillu ingerlatseqatigiiffinnut pilersit-seqqinnerit aamma matusinerit pillugit malitassap (BRRD-p), aamma aningaasalersuisartunut qularnaveeqqusiisarnermik aaqqissuussinerit pillugit malitassap (DGSD-p) Danmarkimi 1. juni 2015-imi atuutsinneqalersut piviusunngortinnissaasa ilaattut pivoq.

EU-mi inisisimaffimmi akiligassarsisitsisarfinnut aamma aningaasaliisarnermik ingerlatseqatigiiffinnut ingerlanerliortunut imaluunniit artorsartitaasunut sunniuteqarluartumik isumaginninnissamut sakkussat amigaataanerat aningaasaqarnikkut ajutoornermik nalaataqarnerup takutippaa. BRRD-mi malitassaq akiliisinnaajunnaarnissamik pinaveersaassaaq, imaluunniit akiliisinnaajunnaartoqarpat kingunerisassat ajornartoortitsisut annikillisisassavai. BRRD-mi malitassaq aaqqutigalugu aaqqiissut eqqunneqassaaq pisortat sakkusanik tutsuiginartunik atugaqarlutik aningaasanik ingerlatsisoqarfimmut ingerlanerliortumut imaluunniit ajornartoortumut naammaginartumik siusissukkut piaartumillu iliuuseqarfiginissaannut periarfissaqalissallutik, taamaalilluni aningaasanik ingerlatsisoqarfip pingaaruteqartutut aningaasersuinermik aningaasaqarnermillu atuuffiinik ingerlatitseqqinnissaq qularnaarneqassammat, tamannalu ilutigalugu aningaasanik ingerlatsisoqarfip aningaasaqarnermut aamma aningaasersuinermik aaqqissuussaqarfimmut ajalusoornerata sunniutai annikillisarneqassallutik.

Kalaallit Nunaanni CRR-imik peqqussummi aamma CRD IV-mi malitassami malittarisassiat naammassineqarnerisa kingornatigut Danmarkimi inatsisaasuni allannguutinut aningaasalersuinermik suliaqarneq pillugu nunatsinni inatsisaasut malinnaatilernissaat pillugu aalajangiiffigisassatut siunnersummik matuminnga saqqummiussineq siusinnerusumi akuersissuteqarnerup malitseqartinneratut kingunerisassaatullu isigineqassaaq.

Imarisai

Eqikkakkami ilanngussami Kalaallit Nunaannut atuutsitaasussatut kissaatigineqartut aningaa-salersuinermik ingerlataqarnerit pillugit inatsisinut allanngutissanut peqqussutit ataasiakkat nassuiardeqarput. Peqqussutinut makku allaqqaakkat pineqarput:

- Pinngitsoorani digitalikkut atassuteqarneq il.il. pillugu inatsisini aalajangersakkat assi-giinngitsut allanngortinneri pillugit inatsimmi § 49-p Kalaallit Nunaanni atuutilersinneqarnissaanut peqqussut (Pinngitsoorani digitalikkut atassuteqarneq, aamma suliassaqarfii nuunerisa kingornatigut iluarsaassinerit il.il.)
- Aningaasalersuinermik ingerlataqarneq pillugu inatsisip allanguutissaata inatsimmi § 14-imi, pappialanik nalilinnik nioqquteqarneq il.il. pillugit inatsimmi, pillaasarneq pil-lugu inatsimmi, immikkut pissuseqartumik aningaasaliisarnikkut aningaasaateqarfink ingerlatsisut il.il. pillugit inatsisip, eqqartuuassisarnermi inatsisip inatsisillu assigi-inngitsut allat, Kalaallit Nunaanni atuutilernissaanut peqqussut (Allanik toqqaasaqar-nernut aalajangersimasunut atatillugu soraarnerussutisinissamik aaqqissuussami ilaaf-figisaminni naleqassutsit tamakkiisumik aningaasanngorlugit pissarsiarinissaannut soraarnerussutisiassanut akiliisartut pisinnaatitaaffiliisutut malittarisassiat atugaaler-sinneri, pisortat aamma siulersuisartutut sulisorisat allat siulersuisuni, imaluunniit inu-tissarsiorfittut suliffimmi allami ingerlatsinermi peqataanissamut periarfissaat, anin-gaasaateqarfimmi imaluunniit realkreditaktieselskabimik piginnittuusumi siulersuisut inuttalersornissaannut piumasaqaatit, CO2-auktioneringimik peqqussutip unioqqutin-neranut pineqaatissiineq pillugu malittarisassiat allanngortinneri, CO2-mik attataqar-nissamut unioqqutitsisartunut inatsisilersuinerit, immikkut pissuseqartumik aningaasa-liisarnikkut aningaasaateqarfink ingerlatsisut immikkut pissuseqartumik aningaasa-liisarnikkut aningaasaateqarfii pilerisaarutiginissaannut periarfissaat pillugit malittari-sassiat allanngortinneri, ilanngullugit sulisuusunut aammal uimmikkoortukkuutaanut aningaasaliisunut immikkut pissusilimmik pilerisaarisinnaanermut akuersissuteqarnis-saq, aamma immikkoortukkuutaanut aningaasaliisunut aningaasaateqarfink nunanit isumaqatigiissuteqarfiginngisanit ingerlatsisut pilerisaaruteqarsinnaanerannik periar-fissamik atuutsitsilernermut malittarisassiat allanngortinneri, pappialanik nalilinnik ni-uernermut inatsisaasumi neqerooruteqarnissamut pisussaaffiusumut killissarisap al-lanngortinnera, kiisalu annikinnernik aktiaatillit pisinnaatitaaffiisa pitsaunerusumik qularnaarnissaat, immikkortukkuutaanik pisisartunut aalajangersimasumik tunisinissa-mik anguniakkap pissarsiarinissaanik pisariaqartitsisumik aningaasarsiat assigiinngii-aartitat atornissaanut inerteqqut, ataatsimoorussatut paassisutissaatinik ingerlatsivinnik nakkutilliisarneq pillugu malittarisassiat allanngortinneri, immikkut pissuseqartumik aningaasaliisarnikkut aningaasaateqarfinkut toqqorsisarfinnik nakkutilliinerit il.il.).
- Aningaasalersuinermik ingerlataqarneq pillugu inatsisip, aningaasalersuisarnerup patajaatsuunissaa pillugu inatsisip, aningaasaliisartunut aningaasalersuisartunullu qularnaveeqquisiarnermk aningaasaateqarfik pillugu inatsisip, pappiaqqat nalillit

niuerutigineqartarnerat il.il. pillugit inatsisip aamma akileraartarnermi naligiissaarisarneq pillugu inatsisip allannguutaat pillugit inatsimmi § 3-p ilaata Kalaallit Nunaanni atuutilersinneqarnissaat pillugu peqqussut (Akiligassarsisitsisarfinnut aningaasaliisarnermillu ingerlatseqatigiiffinnut pilersitseqqinnerit aamma matusinerit pillugit malitassap (BRRD-p), aamma aningaasalersuisartunut qularnaveeqquisiarnermik aaqqissuussinerit pillugit malitassap (DGSD-p) piviusunngortinneri).

- Pappialanik nalilinnik nioqquteqarneq il.il. pillugit inatsisip, aningaasalersuinermik ingerlataqarneq pillugu inatsisip, aningaasanik atugassaqarnermut isumaqatigiissutit pillugit inatsisip, aningaasaqarnermut siunnersortit pillugit inatsisip, qularnaveeqquisuussaqarluni taarsigassarsinermik ingerlatsisut pillugit inatsisip, realkreditlånit aamma realkreditobligationit il.il. pillugit Inatsisip inatsisillu allat, allannguutaat pillugit inatsimmi § 14-ip ilaata Kalaallit Nunaanni atuutilersinneqarnissaat pillugu peqqussut (Tunngaviusumik aningaaserivimmiiitanut kontomik peqarnissamut pisinnaatitaaffik, tamanik takunnissinnaanermik malitassap allanngortinnerisa piviusunngortinneri, ukiumoortumik nalunaarutit nassiuttarnerinut malittarisassiat nutarsarneri, sillimmasiisarnermik ingerlatseqatigiiffiit suliffeqarfimmik allamik ingerlatsisarnerisa annertusinera, realkreditobligationinik il.il. aningaasaleeqqinnissamik aarleqqutaasup inatsisilersugaanerata erseqqissaaviginera, aamma boligkredittimut malitassap il.il. piviusunngortinnera).

Kalaallit Nunaannut atuutsilernerini tulleriaakkatut inatsisit allanngortinnerinit malitsigisaasuni allannguutit annertunerit pillugit eqikkaaneq ilanngussaq innersuussutaavoq.

Namminersorlutik Oqartussanut aningaasaqarnikkut kingunerisinnaasai

Inatsisit allanngortinnejartut piviusunngortinneri aningaasaqarnermi ajornartoorerup nalaani nunatsinni aningaaseriviit sanngiillisarnerisa ningorsimaarnissaannut ilapittuutaassasutut naatsorsutigineqarput, taamaallilunilu inuiaqatigiinni aningaasaqarnermut nunatsinnilu akileraarutinik akiliisartunut aningaasartuutaasinnaasut annikillisisallugit.

Inuussutissarsiornikkut il.il. aningaasaqarnikkut allaffissornikkullu kingunerisinnaasai

Pineqartut tassaapput aningaaseriviit piumasaqaatinut naapertuutsitsiniarlutik suleriaatsiminnik naleqqussaanissaannut piffissamik isumalluutissanillu pisariaqartussatut malittarisassiat annertullutilu paasuminaatsut. Tamatuma saniatigut allannguutissatut inatsisit piviusunngortinnerisat aningaaseriviit attassisinnaassusaannut annertunerusunik piumasaqaateqartitsissapput. Tamakkuninnga tunngaveqarlutik Kalaallit Nunaannut atuutsilernerup aatsaat 1. januar 2020-mi pisussanngorlugu Naalakkersuisut innersuussipput.

Tusarniaaneq

Siunnersuut 20. juulimiit -8. agusti 2018-imut tusarniaassutaasimavoq. Tusarniaaneq paasisaqarnerluni ataasiakkaanik apeqqutilliissuteqartitsisimavoq. Tamakku saniatigut suleriaatsit naleqqussarnissaannut malittarisassiat taakku nutaat annertuunik piumasaqaateqartitsinerat GrønlandsBANKEN-ip taakkartorsimavaa.

Inassuteqaat

Naalakkersuisut inassutigaat Inatsisartut akuerissagaat:

- aningaasaliisartunut aamma aningaasalersuisartunut qularnaveeqqusii sarnermik aningaasaatit pillugit inatsisip Kalaallit Nunaannut atuutsilernissaa pillugu peqqussutinut ilanngussatut allaqqaakkat Naalakkersuisut akuersissutigisinnaallugit nalunaarutigissagaat.
- aningaasaliisartunut aamma aningaasalersuisartunut qularnaveeqqusii sarnermik aningaasaatit pillugit inatsisip Kalaallit Nunaannut atuutsilernissaa pillugu peqqussutit 1. januar 2020-mut atuutsilernissaat aalajangissagaat.

Ilanngussaq 1

Aningaasaliisartunut aamma aningaasalersuisartunut qularnaveeqqusiisarnermik aningaasaatit pillugit inatsisip Kalaallit Nunaannut atuutilernissaa pillugu peqqussumut eqikkarneri.

Ilanngussaq 2

Pinngitsoorani digitalikkut atassuteqarneq il.il. pillugu inatsisini aalajangersakkat assigiinngitsut allangortinneri allanguutaat pillugit inatsimmi § 49-p Kalaallit Nunaanni atuutilersinneqarnissaanut peqqussumut allaqqaagaq.

Ilanngussaq 3

Aningaasalersuinermik ingerlataqarneq pillugu inatsisip allanguutissaata inatsimmi § 14-imi, pappiaranik nalilinnik nioqquuteqarneq il.il. pillugit inatsimmi, pillaasarneq pillugu inatsimmi, immikkut pissuseqartumik aningaasaliisarnikkut aningaasaateqarfinnik ingerlatsisut il.il. pillugit inatsisip, eqqartuuassisarnermi inatsisip inatsisillu assigiinngitsut allat, Kalaallit Nunaanni atuutilernissaanut peqqussumut allaqqaagaq.

Ilanngussaq 4

Aningaasalersuinermik ingerlataqarneq pillugu inatsisip, aningaasaliisarnerup patajaatsuunissaa pillugu inatsisip, aningaasaliisartunut aningaasalersuisartunullu qularnaveeqqusiisarnermik aningaasaateqarfik pillugu inatsisip, pappialanik nalilinnik nioqquuteqarneq il.il. pillugit inatsisip aammalu assigiissitsinermut inatsisip, allanguutaat pillugit inatsimmi § 3-p ilaata Kalaallit Nunaanni atuutilersinneqarnissaat pillugu peqqussumut allaqqaagaq.

Ilanngussaq 5

Pappiaranik nalilinnik nioqquuteqarneq il.il. pillugit inatsisip, aningaasalersuinermik ingerlataqarneq pillugu inatsisip, aningaasanik atugassaqarnermut isumaqtigiiissutit pillugit inatsisip, aningaasaqarnermut siunnersortit pillugit inatsisip, qularnaveeqqusiussaqarluni taarsigassarsinermik ingerlatsisut pillugit inatsisip, realkreditlånit aamma realkreditobligationit il.il. pillugit Inatsisip inatsisillu allat, allanguutaat pillugit inatsimmi § 14-ip ilaata Kalaallit Nunaanni atuutilersinneqarnissaat pillugu peqqussumut allaqqaagaq.